



Broj: 10/E-11-6393/25
Sarajevo, ~~01-12-2025~~ godine

Na osnovu člana 69. stav (2) tačka d) i člana 70. stav (1), (4) i (6) Zakona o javnim nabavkama BiH („Službeni glasnik BiH“, broj 39/14, 59/22 i 50/24) (u daljem tekstu: Zakon), člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-162/25 od 05.03.2025. godine (u daljem tekstu: Komisija I), u postupku javne nabavke radne odjeće za uposlenike Općine Centar, putem konkurentskog zahtjeva za dostavu ponude, uz primjenu e-aukcije (Zapisnik broj: 10/E-11-6393/25 od 24.11.2025. godine), Općinski načelnik donosi:

O D L U K U **o poništenju postupka javne nabavke**

I

Poništava se postupak javne nabavke radne odjeće za uposlenike Općine Centar, putem konkurentskog zahtjeva za dostavu ponude, uz primjenu e-aukcije iz razloga što nijedna od primljenih ponuda nije prihvatljiva.

II

Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

III

Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke radne odjeće za uposlenike Općine Centar, pokrenut je Odlukom o pokretanju postupka javne nabavke, putem konkurentskog zahtjeva za dostavu ponude, uz primjenu e-aukcije, broj: 10/E-11-6393/25 od 03.11.2025.godine. Postupak javne nabavke nije podijeljen na LOT-ove. Procijenjena vrijednost nabavke bez uračunatog PDV-a iznosi 12.815,00 KM.

Obavještenje o nabavci broj: 848-7-1-136-3-225/25 od 07.11.2025.godine objavljeno na Portalu javnih nabavki (www.ejn.gov.ba).

Tenderskom dokumentacijom i Obavještenjem o nabavci određen je rok za prijem ponuda 19.11.2025. godine do 10:00 sati. U krajnjem roku za predaju ponuda (19.11.2025. godine do 10:00 sati), koji određen tenderskom dokumentacijom, na adresu ugovornog organa primljene su 2 (dvije) ponude:

1. „EURO VEZ“ d.o.o. Jelah Tešanj
2. „ONRA“ d.o.o. Sarajevo

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju pristiglih ponuda i nakon što je utvrđena blagovremenost i urednost dostave, pročitane su cijene ponuda, kako slijedi:

RB	PONUĐAČ	Ukupna cijena bez PDV-a	Popust	Ukupna cijena sa popustom i bez PDV-a
1.	EURO VEZ d.o.o. Jelah Tešanj	12.808,00	-	12.808,00
2.	ONRA d.o.o. Sarajevo	14.397,00	-	14.397,00

- **Ponuda ponuđača „EURO VEZ“ d.o.o. Jelah Tešanj je nepravilna** u skladu sa odredbom člana 2. stav I tačka 3) Zakona o javnim nabavkama BiH - iz razloga što ponuđač u svojoj ponudi nije dostavio uzorke u skladu sa tenderskom dokumentacijom, kako slijedi:

Redni broj 5. – MARAMA – na dostavljenom uzorku nije utisnut logo Općine Centar, kako je traženo tehničkom specifikacijom

Redni broj 6. – KRAVATA- na dostavljenom uzorku nije utisnut logo Općine Centar, kako je traženo tehničkom specifikacijom

te se ponuda ponuđača „EURO VEZ“ d.o.o. Jelah Tešanj, u skladu sa odredbom člana 2. stav I) tačka 3) Zakona o javnim nabavkama **odbija kao nepravilna** - nije u skladu sa tenderskom dokumentacijom.

- **Ponuda ponuđača ONRA d.o.o. Sarajevo se odbija kao neprihvatljiva** u skladu sa odredbom člana 2. stav I tačka 2) Zakona o javnim nabavkama BiH, iz razloga što cijena prelazi planirana, odnosno osigurana novčana sredstva ugovornog organa za nabavku

Odredbom člana 69. stav (2) tačka d) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.

U skladu sa navedenim, Komisija I je na sjednici održanoj dana 24.11.2025. godine, putem javnog glasanja, jednoglasno predlaže Općinskom načelniku, rukovodiocu ugovornog organa, da na osnovu člana 69. stav (2) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24) donese odluku o poništenju postupka javne nabavke radne odjeće za uposlenike Općine Centar, o čemu je sačinila Zapisnik o pregledu i ocjeni ponuda broj: 10/E-11-6393/25 od 24.11.2025. godine.

Općinski načelnik u postupku predmetne nabavke nije našao razloge niti nepravilnosti u radu Komisije I koji bi bili osnov za neprihvatanje prijedloga Komisije I, te je u skladu sa članom 70. stav (1) i (4) Zakona o javnim nabavkama donio odluku kao u dispozitivu.


Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke.

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od 3 (tri). Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-6393/25 od 24.11.2025. godine

**Dostaviti:**

1. "EURO VEZ" d.o.o. Jelah, Tešanj, Rosulje broj 82,74246 Tešanj
2. "ONRA" d.o.o., Put Famosa 38,71210 Ilidža
3. Kabinetu općinskog načelnika – Odsjek za javne nabavke
4. Službi za zajedničke i tehničke poslove
5. U spis